

NELSON TROMP REY DANDE 1991/1992



ORANJESTAD (AAN) Den un Club Caiquetio completamente yen Sr. Nelson Tromp a ser corona como Rey di Dande 1991/92 den di 18 festival tipico y Dande. Un anochi unda cada agrupacion cu a subi stage a duna lo maximo cu nan tabata por y asina tambe duna e huradonan un tarea sumamente duro pasobra ta competencia fuerte mes e gruponan a duna e huradonan. E publico cu a responde un biaha mas na gran cantidad a keda hopi contento cu e festival y nan a pasa un anochi masha agradable. Reina di Dande a keda Srta. Helenne Arends.

E festival tabata parti den cuatro categoria y division. Festival Tipico, Propio Composicion, Dande canta pa Damas y Dande canta pa caballeros.

Pa exactamente 7 or y 45 e festival a start sali cu e maestro di ceremonia Sr. Ivan Kelle Jr. kende a haci un tremendo trabao y a dirigi e show den un forma sublime y a logra pone un recorde di 41 cantante y 20 agrupacion riba stage y termina e show pa 3 or exacto. Un coordinacion hopi bon entre maestro di ceremonia y Lulu Croes pa prepara e agrupacionnan pa subi stage segun orden di presentacion.

E festival tabata riba un nivel hopi halto esey tabata importante pasobra e presentacion y radio oyente por a goza di musica di nos propio cultura.

Un total di 19 agrupacion a compania 41 cantante pa loke ta Dande entre nan 5 damas, tabata tin 18 agrupacion cu a competi pa tipico, 10 propio composicion.

E competencia tabata fuerte den tur categoria. Pa loke ta Propio Composicion Sr. Elio Dania a gana e competencia cu 620 punto. Na di dos lugar Vicente Kelly cu 610 punto, tres lugar Robert Maduro cu 595 punto, cuatro lugar Adeline Gomez cu 585 punto, di cinco lugar Edwin Hernandez cu 545 punto.

Pa loke ta Tipico, e ganador a keda Grupo di Betico cu 45 punto. Na di dos lugar Francis Jacobs y su Grupo cu 43 punto. Na tres lugar Placentero Ritmo y Cuerde cu 42 punto, na di cuatro lugar Tipico Los Amigos cu 41 punto y na di cinco lugar Luceros Del Alma cu 40 punto.

E competencia den dande tabata fuerte. Ganadora categoria Damas Srta. Helenne Arends cu 244 punto, segundo lugar Jet Jansen cu 242 punto.

Categoria caballeros unda 36 cantante a competi mester menciona cu 3 cantante no a logra 200 punto, uno a logra 187 punto, uno cu 198 y un otro cu 199 punto, pero tur e otro cantantenan a pasa 200 punto y asina muestra claramente cu e competencia

tabata fuerte y cada un cantante a trece e mihor dande cu nan tabata por. Masha hopi cantante a logra entre 254 pa 240 punto y bastante entre 240 pa 230 punto y esey ta muestra cu e competencia tabata di nivel hopi halto. Cantantenan a mantene nan dande na minuut reglamentario.

Manera ta conoci Nelson Tromp a resulta e Rey di Dande cu 276 punto, segundo lugar Frenk Lampe 273 punto, tercer lugar Secundino Tromp 263 punto, cuatro lugar Robert Maduro 262 punto, Tutu Figaroa cu 255 punto.

Ministro di Cultura Sr. Freddy Refunjol den nomber di Gobierno di Aruba a entrega e trofeonan na e respectivo ganadornan.

DIARIO ta manda palabranan di Pabien na e Rey Nelson Tromp, na e Reina Srta. Helenne Arends, Propio Composicion Elio Dania, Grupo di Betico como Tipico di Aña y na tur e finalistanan.

Riba e combinacion di fotonan por mira parti di e ceremonia di entrega di trofeonan bunita traha pa Sr. Buchi Werleman y un pin di oro den forma di un wiri cu e Rey a haya for di Sr. Randolph Simoons, e Rey cu su Corona y e ganadornan den diferente categoria y un plaquette na Sr. Ming Maduro na kende e festival a ser dedica.

TA BENDE
Lightefix y Minitica
Replacement basket
Peavey 18 inch 500 watt
Afl: 225,- Pre-Amp Mixer
200,- Amplifier 400 watt
Afl: 900,-
Tel: 27884

TA BENDE
pa motibo di viaje ta
bende un Nissan Mini Bus
mescos cu nobo 1990 12
pass. 19 km cori pa
unicamente Afl: 12,900 pa
mas info yama Tel: 34000
ext 189 ask for peace